

ერთის მხრივ გარდაბნის მუნიციპალიტეტის მერია (მის: ქალაქი გარდაბანი, დ. აღმაშენებლის #127) წარმოდგენილი მისი მერის მოადგილის ფუად მირზოევის სახით (შემდგომში „შემსყიდველი“) და მეორეს მხრივ შპს „ეტალონი-მედია“ (მის: ქ.თბილისი, წერეთლის #116) წარმომადგენელი მისი დირექტორის მანანა ლოლობერიძის სახით (შემდგომში „მიმწოდებელი“), „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ა“ ქვეპუნქტისა და შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ საფუძველზე სახელმწიფო შესყიდვების სააგენტოს თავმჯდომარის განკარგულების (SMP220001640) თანახმად მიღწეულ იქნა ურთიერთშეთანხმება შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „კვირა“, „თვე“-კალენდარულიდღე, კვირა, თვე.
- 1.4 „შემსყიდველი“- ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6 „მომსახურება“- ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

- 2.1 ხელშეკრულების საგანია: საქართველოს ეროვნულ ინტელექტ-ჩემპიონატი „ეტალონი 2022“ -ის ღონისძიების მომსახურება დისტანციურად თანდართული ხარჯთაღრიცხვის შესაბამისად.
- 2.2 კლასიფიკატორის კოდი: 79900000

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 2960 (ორი ათას ცხრაასსამოცი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული ვალდებულების შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.
- 4.2 ანგარიშსწორება განხორციელდება ამ ხელშეკრულებით გათვალისწინებული შესრულებული სამუშაოს ღირებულების შესაბამისად, საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტისგაფორმებიდან 10 სამუშაო დღის განმავლობაში.
- 4.3 ხელშეკრულების მე-8 მუხლის დარღვევის შემთხვევაში, მიმწოდებელზე დაკისრებული ჯარიმის (პირგასამტეხლო) ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე ჯარიმის (პირგასამტეხლო) გადახდის შემდეგ.
- 4.4 წინასწარი ანგარიშსწორება (ავანსი) არ გამოიყენება.
- 4.5 დაფინანსების წყარო: 2022 წლის ადგილობრივი ბიუჯეტი

5. შესყიდვის ობიექტის მიწოდების ვადა

- 5.1 ხელშეკრულებით ნაკისრი ვალდებულების მიწოდების ვადაა: 2022 წლის 23-24 ივნისი.

6. მხარეთა ვალდებულებები

6.1 „შემსყიდველი“ ვალდებულია:

ა) ხელშეკრულების საგნით გათვალისწინებული ვალდებულების შესრულებისთვის გადაუხადოს „მიმწოდებელს“ შესრულებული ვალდებულების ღირებულება.

ბ) კონტროლი გაუწიოს ხელშეკრულების საგნის შესრულებას.

6.2 „მიმწოდებელი“ ვალდებულია:

ა) სათანადო ნორმების დაცვით შეასრულოს ხელშეკრულების საგნით გათვალისწინებული ვალდებულება.

ბ) დროულად და წერილობით აცნობოს „შემსყიდველს“ ვალდებულების შესრულებისას მოსალოდნელი შეფერხების შესახებ.

7. ინსპექტირების პირობები

7.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი, შეამოწმონ მოწოდებული მომსახურება, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

7.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს გარდაბნის მუნიციპალიტეტის მერიის განათლების, კულტურის, ახალგაზრდობის, სპორტის, საზოგადოებასთან და მედიასთან ურთიერთობის სამსახური.

7.3 ინსპექტირების გამწვევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწვევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

7.4. „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

8. პირგასამტეხლო ხელშეკრულების პირობების შეუსრულებლობისათვის

8.1 ფორსმაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში, გამოიყენება საჯარიმო სანქცია.

8.2 ხელშეკრულების ნაკისრი ვალდებულების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 0.02% ოდენობით.

8.3 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 კალენდარულ დღეს.

8.4 ხელშეკრულების ცალმხრივად შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.5 საჯარიმო სანქციით დაკისრებული თანხა გადახდილ უნდა იქნეს მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.6 თუ შემსყიდველი არ ასრულებს წინამდებარე ხელშეკრულების მე-4 მუხლის 4.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო მიმწოდებლისათვის ჩასარიცხი თანხის 0.02% -ის ოდენობით, ყოველ გადაგადაცილებულ დღეზე.

8.7 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

9.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

9.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

9.3 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.4 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.5 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების ცალმხრივად შეწყვეტის შესახებ.

9.6 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების ვადა.

9.7 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულების ნაკისრი ვალდებულების შეუსრულებლობით.

9.8 ხელშეკრულების ცალკეული პირობების მოქმედების შეწყვეტა არ ათავისუფლებს მხარეს დანარჩენი ვალდებულების შესრულებისგან.

9.9 შემსყიდველს აქვს უფლება მიიღოს გადაწყვეტილება ხელშეკრულების ცალმხრივად შეწყვეტის შესახებ შემდეგ შემთხვევებში:

ა) თუ შემსყიდველისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულებების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.10 ამ მუხლის 9.9 პუნქტით მითითებულ შემთხვევაში, შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული საქონლის ღირებულება.

10. უფლების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულება.

11. კონტრაქტორები

11.1 მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა კონტრაქტის შესახებ.

11.2 ამ ხელშეკრულების ფარგლებში დადებული ყველა კონტრაქტის ასლი უნდა წარედგინოს შემსყიდველს.

11.3 ამ ხელშეკრულების ფარგლებში დადებული არცერთი კონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებისგან.

12. დაუძლეველი ძალა

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუზრუნველბობას

(ასეთის გამოყენების შემთხვევაში), თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. დავები და მათი გადაწყვეტის წესი

13.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად.

13.2 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. სხვა პირობები

14.1 ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია.

15. ხელშეკრულების მოქმედების ვადა

15.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2022 წლის 31 დეკემბრის ჩათვლით.

რეკვიზიტები:

„შემსყიდველი“

გარდაბნის მუნიციპალიტეტი
მის: ქალაქი გარდაბანი, დ. აღმაშენებლის №127
საიდენტიფიკაციო კოდი: № 226573204
მომღები ბანკი: სახელმწიფო ხაზინა.
მომღების დასახელება: ხაზინის ერთიანი ანგარიში.
ბანკის კოდი: TRESGE22

„მიმწოდებელი“

შპს „ეტალონი-მედია“
მის: ქ. თბილისი, წერეთლის #116
საიდენტიფიკაციო კოდი: №204572024
ს.ს. „ბანკი ქართუ“
ბ.კ. CRTUGE22
ანგარიშსწორების ანგარიში: №
GE08CR0030086101003608

გარდაბნის მუნიციპალიტეტის

მერის მოადგილე

ფუად მირზოევი

შპს „ეტალონი-მედია“-ს დირექტორი

მანანა ლოღობერიძე

ხელწერილი


ინტერესთა კონფლიქტის არარსებობის შესახებ

ქ.გარდაბანი

20.06.2022 წელი

ქვემოთ ხელის მომწერნი, ხელშეკრულების №88 გაფორმებაზე უფლებამოსილი პირი და ხელშეკრულების ინსპექტირების წევრები ვადასტურებთ, რომ აღნიშნული შესყიდვის განხორციელებასთან დაკავშირებით ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.

გარდაბნის მუნიციპალიტეტის მერის მოადგილე -----  ----- ფუად მირზოევი

განათლების, კულტურის, ახალგაზრდობის, სპორტის,
საზოგადოებასთან და მედიასთან ურთიერთობის სამსახური
პირველი რანგის პირველადი სტრუქტურული ერთეულის ხელმძღვანელი -----  ----- ავთანდილ ჯანხოთელი



საქართველოს ეროვნული ინტელექტ-ჩემპიონატი „ეტალონი“

„ეტალონის“ ფორმატით ინტელექტუალური კონკურსების მუნიციპალიტეტებსა და ქალაქებში დისტანციურ რეჟიმში ჩატარება

გარდაბნის მუნიციპალიტეტი

შპს „ეტალონი-მედია“ წარმოგიდგენთ პროექტის ნაწილობრივ ხარჯთაღრიცხვას

ხარჯის დასახელება	თანხა (ლარი)
კონკურსის შეკითხვების მომზადება-შერჩევა-რედაქტირება-პროგრამული დამუშავება „ეტალონის“ ექსკლუზიურ ფორმატში (პედაგოგების ჯგუფი და კითხვების მომზადების ჯგუფი, საშემოსავლო გადასახადის ჩათვლით)	872
„ეტალონის“ ექსკლუზიურ ფორმატში ინტელექტუალური კონკურსის დისტანციურ რეჟიმში ჩატარების ტექნიკური და შემოქმედებითი ჯგუფის შრომის ანაზღაურება (საშემოსავლო გადასახადის ჩათვლით)	1215
პროექტის საავტორო კონორარის ნაწილობრივი ანაზღაურება	421,47
ჯამი	2508,47
პლუს დღგ 18%	451,53
სულ	2960

დირექტორი

Etaloni-
Media LLC

Digitally signed by
Etaloni-Media LLC
Date: 2022.04.18
15:12:16 +04'00'

/მ.დოლობერიძე/



ს ა ქ ა რ თ ვ ე ლ ო
გარდაბნის მუნიციპალიტეტის მერი



ბრძანება:ბ18.18221574

თარიღი:06/06/2022

სახელმწიფო შესყიდვის გამარტივებული შესყიდვით განხორციელების შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის 1-ლი ნაწილის „ე“ პუნქტის „ე.ე“ ქვეპუნქტის, 61-ე მუხლის მე-3 პუნქტის „ა“ ქვეპუნქტის, „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს“¹ ქვეპუნქტის, მე-10¹ მუხლის მე-3 პუნქტის „ა“ ქვეპუნქტის, მე-3³ პუნქტის, სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვების კრიტერიუმების განსაზღვრისა და გამარტივებული შესყიდვის ჩატარების წესის“ მე-3 მუხლის 1-ლი პუნქტის „ა“ ქვეპუნქტის, მე-4 მუხლის მე-2 პუნქტის, მე-5 მუხლის 1-ლი პუნქტისა და განათლების, კულტურის, ახალგაზრდობის, სპორტის, საზოგადოებასთან და მედიასთან ურთიერთობის სამსახურის 2022 წლის 10 მაისის N 04-182213052 წერილის საფუძველზე

ვ ბ რ ძ ა ნ ე ბ

მუხლი 1.

განხორციელდეს გამარტივებული შესყიდვა მედიაპროექტი „ეტალონი“-ს ინტელექტუალური კონკურსის „გარდაბნის ეტალონი მოსწავლე“ ჩასატარებლად, თანხით 2960 (ორი ათას ცხრაას სამოცი) ლარი.

მუხლი 2.

დაევალოს გარდაბნის მუნიციპალიტეტის მერიის საფინანსო-საბიუჯეტო და შესყიდვების სამსახურის შესყიდვების განყოფილებას, მედიაპროექტი „ეტალონი“-ს ღონისძიების გარდაბნის მუნიციპალიტეტში ჩასატარებლად, ექსკლუზიური უფლებით გამარტივებული შესყიდვის განხორციელების შესახებ მიღებული გადაწყვეტილება, შესყიდვის განხორციელებამდე შეათანხმოს სსიპ სახელმწიფო შესყიდვების სააგენტოსთან და თანხმობის მიღების შემთხვევაში, გაატაროს შესაბამისი ღონისძიებები.

მუხლი 3.

ბრძანება ძალაშია ხელმოწერისთანავე.

მუხლი 4.

ბრძანება შეიძლება გასაჩივრდეს რუსთავის საქალაქო სასამართლოში (ქ. რუსთავი, ბოსტანქალაქის ქ. N6) საქართველოს ადმინისტრაციული საპროცესო კოდექსის 22-ე მუხლის მე-3 ნაწილით დადგენილი წესით.

დავითი კარგარეთელი

გარდაბნის მუნიციპალიტეტის მერია-მერი

გამოყენებულია კვალიფიციური ელექტრონული ხელმოწერა/ ელექტრონული შტამპი





სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080115319176322

№ 1892

08 / ივნისი / 2022 წ.

გარდაბნის მუნიციპალიტეტის მერიისთვის სახელმწიფო შესყიდვების
გამარტივებული შესყიდვით განხორციელების შესახებ თანხმობის გაცემის
თაობაზე

აღწერილობითი ნაწილი

1. ინფორმაცია მომართვის თაობაზე

სახელმწიფო შესყიდვების სააგენტოში 2022 წლის 6 ივნისს სახელმწიფო შესყიდვების ერთიანი ელექტრონული სისტემის SMP მოდულის მეშვეობით წარმოდგენილ იქნა გარდაბნის მუნიციპალიტეტის მერიის SMP220001640 მომართვა ექსკლუზიური უფლებამოსილების საფუძველით გამარტივებული შესყიდვის განხორციელებაზე თანხმობის გაცემის შესახებ.

2. შესყიდვის ობიექტი და მისი ღირებულება

მომართვის მიხედვით, შემსყიდველი ორგანიზაცია გეგმავს საქართველოს ეროვნული ინტელექტუალური ჩემპიონატის „ეტალონი 2022“-ის ღონისძიების ჩატარების მომსახურების შესყიდვას (CPV - 79900000 - სხვადასხვა კომერციული მომსახურება და მასთან დაკავშირებული მომსახურებები), ღირებულებით 2960.00 ლარი.

3. შემსყიდველი ორგანიზაციის დასაბუთება

შემსყიდველი ორგანიზაციის განმარტებით, გარდაბნის მუნიციპალიტეტის მერიის მიერ იგეგმება პროექტ „ეტალონის“ ფორმატით ინტელექტუალური თამაშების ჩატარება. საქპატენტის მიერ გაცემული № 1197 სერტიფიკატის (21.01.2005 წ.) მიხედვით, პროექტ „ეტალონის“ სცენარზე საავტორო უფლება გააჩნია გონა ტყეშელაშვილს, რომელმაც ზემოაღნიშნული პროექტის განხორციელებაზე ექსკლუზიური უფლებამოსილება 2019 წლის 20 აგვისტოს გაფორმებული შეთანხმების საფუძველზე 5 წლის ვადით გადასცა შპს „ეტალონი მედიას“. შესაბამისად, მის გარდა არ არსებობს სხვა პირი, რომელიც შეძლებს შემსყიდველ ორგანიზაციას გაუწიოს მომართვაში აღნიშნული მომსახურება.

4. დაინტერესებული პირ(ებ)ის მოსაზრება

საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სამოტივაციო ნაწილი

5. შემაჯამებელი დასკვნა

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მოთხოვნებს.

6. სააგენტოს შეფასება

სააგენტო განმარტავს, რომ მოცემულ შემთხვევაში სახეზეა ექსკლუზიური უფლებამოსილების საფუძველით გამარტივებული შესყიდვის განხორციელების შესაძლებლობა, იმდენად რამდენადაც, როგორც მომართვიდან ირკვევა, გარდაბნის მუნიციპალიტეტის მერიის მიერ იგეგმება პროექტ „ეტალონის“

ფორმატით ინტელექტუალური თამაშების ჩატარება. საქპატენტის მიერ გაცემული № 1197 სერთიფიკატის (21.01.2005 წ.) მიხედვით, პროექტ „ეტალონის“ სცენარზე საავტორო უფლება გააჩნია გონა ტყეშელაშვილს, რომელმაც ზემოაღნიშნული პროექტის განხორციელებაზე ექსკლუზიური უფლებამოსილება 2019 წლის 20 აგვისტოს გაფორმებული შეთანხმების საფუძველზე 5 წლის ვადით გადასცა შპს „ეტალონი მედიას“. შესაბამისად, მის გარდა არ არსებობს სხვა პირი, რომელიც შეძლებს შემსყიდველ ორგანიზაციას გაუწიოს მომართვაში აღნიშნული მომსახურება.

სააგენტო დამატებით აღნიშნავს, რომ მომსახურების განევაზე ექსკლუზიური უფლებამოსილების მქონე ორგანიზაციის შერჩევის პროცედურების ნარმართვა ნარმოადგენს შემსყიდველი ორგანიზაციის პასუხისმგებლობას.


ამასთან, სააგენტო მოუწოდებს შემსყიდველ ორგანიზაციას, რომ მან სახელმწიფო შესყიდვები განახორციელოს „სახელმწიფო შესყიდვების შესახებ“ საქართველოს კანონის მოთხოვნათა განუხრელი დაცვით, რათა კონკურენტული და არადისკრიმინაციული გარემოს შექმნით უზრუნველყოფილ იქნას შესყიდვებისათვის განკუთვნილი ფულადი სახსრების რაციონალური და გამჭვირვალე ხარჯვა. დამატებით აღვნიშნავთ, რომ ნარმოდგენილი ინფორმაციის სისწორეზე პასუხისმგებლობა ეკისრება შემსყიდველ ორგანიზაციას.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-7 მუხლის პირველი და მე-8 პუნქტებით და დაადგინა:

1. დაკმაყოფილდეს გარდაბნის მუნიციპალიტეტის მერიის SMP220001640 მომართვა და შემსყიდველ ორგანიზაციას მიეცეს თანხმობა გამარტივებული შესყიდვის განხორციელებაზე.
2. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დ. აღმაშენებლის ხეივანი №64), კანონმდებლობით დადგენილი წესით.

თავმჯდომარე

ხელმოწერილია/
შტამგდასმულია
ელექტრონულად 

ლევან რაზმაძე

საქართველოს
ინტელექტუალური საკუთრების ეროვნული ცენტრი «საქპატენტი»



ს ა ქ ა რ თ ვ ე ლ ო
ინტელექტუალური საკუთრების ეროვნული ცენტრი «საქპატენტი»

სერტიფიკატი

N 1197

ავტორი:

გონა ტყეშელაშვილი

ნაწარმოები:

ფეხსაცმელის ეროვნული მედიპროექტი "კტალონი" -
სცენარი

რეგისტრირებულია:



2005-01-21

Handwritten signature

ღაიით გააუნი
განვარალარი ღირაქტორი

თბილისი